

38362

94827

曾文正公聯語選錄

附退齋聯粹

張伯英





文  
正  
聯  
語

紀芬九十一歲





先太傳文正公平平生喜爲聯語凡以紀學問心得及正心修身之道恒以偶句隱括之見於日記及家書者多矣旁及題贈賦詠情景交映每一聯出傳誦盛於一時數十年不衰諸家輯錄詳略互見迭更世變傳本稍稀清苑郭君子心篤慕不已勤加搜訪兼取手蹟影印都爲一冊視昔之所傳者尤爲美備紀芬今年九十有一迴憶筭齡旁侍揮翰時猶如在目前承郭君之屬謹題數語誠不勝追感云  
壬午冬日崇德老人聶曾紀芬謹識

曾文正公聯語選錄(附退齋聯粹)序

聯語亦詩餘也作者之才情寓焉器局寓焉學識襟抱亦莫不寓焉苟非胸羅萬卷運化入神未有能登峰造極者也而興會所集妙合自然則雖通才鉅儒亦往往爲之閣筆興歎焉信乎其爲學府之瑰寶才人之能事也往者湘鄉曾文正公最擅勝場其縱橫豪宕慷慨淋漓之概與所爲詩歌文章殆無異致一聯脫手遐邇轟傳膾炙至今不絕唯以聯語之興起於近代前古大家未有此體以故學人不以入集曾公全集如批牘檄告等俚言便文無不備載獨此付之闕如唯桐城吳先生詩集附有聯語一卷聯語之入集蓋自此始先生之聯高古渾穆與其文章亦無異也曾公聯雖不見本集而學者傳頌弗絕姑蘇嘗有刻本吾鄉陳君永



壽又重刻之顧版本流傳者希學者以不見爲憾爰假得孤本命兒子崇元遂錄  
一過並增入數聯又擇公之墨蹟一併影印以餉學者而近世名家之能此者摘  
芥門巧逞麗爭奇名章尤不可勝數往者吾鄉樊退安先生夙嗜此學遇有佳作  
輒爲錄存久之寢多成爲聯萃其自作亦極方雅余取其原稿稍爲附益之附之  
卷末夫聯語爲人生必需之品而託體卑近求工綦難坊刻鮮足觀覽今展是集  
而閱之如窺天府之藏夷玉河圖舞衣竹矢粲焉備列五光十色觸目琳琅采擷  
步趨恣意所便亦學者之所快心乎

中華民國三十二年孟春清苑郭立志序

曾 父 正 公 像





曾文正公國藩字滌生湖南湘鄉人嘉慶十六年生同治十  
一年卒道光十八年進士由翰林院檢討歷官至侍郎丁  
憂家居值洪秀全之亂起鄉兵東征自湖北入江西轉戰  
數年咸豐十年任欽差大臣兩江總督進駐安徽以同  
治三年收復金陵封一等毅勇侯移督直隸旋回兩江  
卒於任所特謚文正追贈太傅公在朝講求義理經濟  
之學以匡時自任及出而治軍用讀書人名畫而長一時  
豪傑咸歸之論學兼綜漢宋尤重實用立德立功立言備  
三不朽蓋諸葛武侯王文成之倫也 瞿益錯敬書



有子孫有田園家風半讀半耕  
但以箕裘承祖澤

咸豐四年正月初上旬

且將艱鉅付兒曹

竹亭老人自撰命曾國藩寫

無官守無言責世事不聞不問



五夜樓船曾上孫亭聽鼓角

咸豐五年金華水軍駐紮吳城軍令軍士夜習水戰有月夜登亭觀之項金華

一尊濁酒重來此地看湖山

命姓新討賊道出駐紮營方伯學舟相送賴平洲太守蔡芥舟明馬福金於此築田記之

咸豐五年秋七月曾國藩舟識

乃知仙人未賢聖

寶之三兄

勢到衆佛尤恢奇

淮生曾國藩



萬壑千岩擁仙府

六如鎮軍屬

金章玉句鳴天球

蘇生曾國瑞

水寬山遠煙霞迥

題王元屬

天澹雲閒今古同

蘇生曾國瑞



乞取牟尼照濁水

溪翁和尚屬

祇有彌勒為同龕

維生曾國藩

德業舊傳霄漢上

溪翁和尚屬

政聲多在道塗間

維生曾國藩



荷氣竹風宜永日

正德恒壽元鑒

花光樓影倒晴天

治生曾國藩

古鏡寶匣寒不動

露葉風枝曉自勻

治生曾國藩



衆峯環拱受約束

萬象縱橫不繫留

游生曾同記

縱江長鯨渴吞海

子蘇二兄屬

卓書瘦萬鈺經霜

游生曾同記



葉舫四兄大人屬

素纒分碧銀餅凍

絳蠟燒殘玉笋飛

清苑陳永壽編次

弁言

清苑陳永壽編次

曾文正公學問經濟文章具三不朽海內久有定論後生末學何容更贊一辭若夫平生所撰題贈哀輓之言上復大筆淋漓一時無兩由於精熟史漢而學識器局更有大過人者故能沉雄高邁獨往獨來如此幼時聞人稱頌數聯中心愛好誥之弗諼以未讀其餘為憾檢閱全集於例未載聞蘇州刻本獨有之顧編校未精流傳絕少求之十數年不獲時往來胸臆而已庚寅歲主講鹿泉山邑書肆略無足觀乃度有蘇本亟使取至簞鐙呵凍一夕錄竟返其原書欣快者累日循諷數四方窺見高深淵手懿哉匪獨文詞之美也觀當時一命之士或宣勤幕府或效節疆場公并哀而輓之所謂一字之褒榮逾華袞為國家表揚忠義激勵方來者其意至深且遠豈得以尋常駢枝末技目之哉此卷歲篋行有年爰稍加詮次付之剞劂以供同好當上藝林所快觀者與



光緒三十三年歲次疆圉協洽壯月叙于大梁

曾文正公楹聯

京都長郡會館戲臺 乙巳

湖山積久發奇光藉此地鼓舞軒輳聊寄酬手洞庭衡嶽  
科目何嘗無國士願諸君淋漓感激便安排作孝子忠臣

原注甲辰順天鄉試周公壽昌中南元乙巳會試蕭公錦忠殿  
元孫公鼎臣朝元是科湖南八進士皆長沙府人又黃公錦輔相辰  
及其姪彭年中秋貴州進士原籍醴陵題名日在長郡會館演劇  
公題是聯於戲臺又書門聯云同科十進士慶榜三名元一  
傳為盛事

四川桂湖園楹

公自注癸卯九月使旋過新都縣張宜亭大令邀游桂湖為  
明楊升菴舊址約廣三百畝皆荷花綠隄皆植樹張君修葺樓  
閣不俗酒罷

固題聯語

五千里秦樹蜀山我原過客

一萬頃荷花秋水中有詩人



江西吳城望湖亭

五夜樓船曾上孤亭聽鼓角  
一尊濁酒重來此地看湖山

江西奉新縣九天閣

萬里山河賸此樓頭煙樹  
九天珠玉吹成水面文章

湘鄉東皋書院

到此一作湘水俱有靈其秀氣必鍾英哲  
古來一作聖賢豪傑都無種在儒生自識指歸

湘鄉昭忠祠

綸綍褒崇邁古今生而旂常沒而俎豆  
忠臣精氣塞天地下為河嶽上為日星

石鐘山昭忠祠

巨石咽江聲長鳴今古英雄恨  
崇祠彰戰蹟永奠湖湘子弟魂

李伯相家廟

庭訓差同太邱長子孝孫賢已邁元方季方而上  
碑文雖遜魯國公功高德厚實在顏廟郭廟之間

劉霞仙中丞家廟

孔氏弦歌魯國新聲聞壁內  
漢家簫鼓祖庭餘韻在人間

金陵督署官廳

雖賢哲難免過差願諸君謹論忠言常攻吾短  
凡堂屬略同師弟使寮友行脩名立方盡我心



金陵靈谷龍神廟

萬里神通度海遙分功德水

六朝都會環山長護吉祥雲

金陵痘神廟

原注金陵省治之東有泉曰八功德水出鍾山之陽靈谷之寺舊有龍神廟泊兵興祠毀壇宇蕩然無存同治六年公督兩江會天久旱公率僚屬禱於靈谷之神四祈四效歲仍有秋乃相與重構斯廟以報賽因題是聯另有記存文集

善果證前因願斯世無災無害

拈花參妙諦惟神功能發能收

金陵湖南會館

地仍虎踞龍盤洗滌江山重開賓館

人似澧蘭沅芷招邀賢俊同話鄉關

金陵湖南會館戲臺

荆楚九歌客中聊作粉榆社

江山六代劫後重聞雅頌聲

瓜洲鹽棧

兩點金焦劫後山容中舊好

萬家食貨舟中水調似承平

蕪湖靖毅祠

英名百戰總成空淚眼看河山憐予季保此人民拓此疆土  
慧業幾生磨不盡癡心說因果願來世再為哲弟二為純臣

揚州何廉昉太史寓宅

千頃太湖鷗與陶朱同泛宅

二分明月鶴隨何遜共移家

原注太史名抗江陰人晚年罷官寄寓揚州擅易笑之富以詩酒自豪



石鐘山觀音閣

長笛不吹江月落  
高樓遙吸好雲來

贈孫琴西觀察

大筆高名海內外  
君來我去天東南

贈劉養素觀察

組練三千朝蹋浪  
貔貅十萬夜觀書

贈孔觀堂上公

業紹二南群倫宗主  
道承一貫累世通家

贈胡潤之宮保

舍己從人大賢之量  
推心置腹羣彥所歸

贈袁漱六太史

於漢宋間折衷一是  
以江海量翁受群言

贈彭筱舫太守

兩地同心期為諍友  
八年重見已有傳書

贈徐石泉孝廉

立千仞巔等魯男子  
無片言妄希司馬公



贈蕭心莊茂才

大筆橫揮顛張醉素

名山高卧鶴骨松心

胡文忠

林翼

以下祝聯六十六聯標題註依原本

逋寇在吳中是先帝與蓋臣臨終恨事

薦賢滿天下願後人補我公未竟勲名

又

代沅園弟

少壯劇豪雄到暮年折節謙虛但思盡忠補過

東南名將帥賴先生苦心調護聯為骨肉弟兄

李文恭

星沅

八州作督一笑還山寸草心頭春日永

五嶺出師三冬別母斷藤峽外大星沉

江忠烈

志源

百戰守三城章貢尤應千世紀

兩年躋八座江天忽報大星沉

李忠武

續賓

八月妖星半壁東南推上將

九天溫詔再生中甫佐中興

李勇毅

續宜

我悲難弟公哭難兄舊事說三河真成萬古傷情地

身病在家心憂在國弥留當十月正是兩淮平寇時

塔忠武

齊布

大勇卻慈祥論古略同曹武惠

至誠相許與有章曾薦郭汾陽



孫文節 銘恩

以文來以節歸毅魄常留兩江上下  
因孝紉國忠死苦心可質百世鬼神

羅壯節 運殿

孤軍斷外援差同許遠城中事  
萬馬迎忠骨新自岳王墳畔來

袁端敏 甲三

屬纊寄箴言勸我勉為范宣子  
蓋棺有定論何人更議李臨淮

戴文節 照

舉世稱畫師無人識為血性男子  
上界乏官府知君仍作供奉神仙

劉忠壯 松山

勲業略同馬伏波骨歸萬里  
精誠差比岳忠武壽少二齡

馬端敏 新貽

范希文先天下而憂曾無片時逸豫  
來君叔為何人所賊足令百世悲哀

龍翰臣方伯 啟瑞 及其配何夫人

豫章平寇桑梓保民莫訝書生立功皆從廿年辛苦立德立言而出  
翠竹淚斑蒼梧魂返休疑命婦死烈二猶萬古臣子死忠死孝之常

黃南坡觀察 完

偉人事業無恆蹊任俠而作循良推算而平禍亂  
晚歲林泉有至樂真率以娛者舊經綸以付兒孫



潘伊卿觀察 鴻敷

還家便永訣痛高堂七十歲倚門倚閭知九原定呼憾事  
治水甫成功念下河億萬姓已飢已溺拚一死用冀生靈

湯海秋侍御 鵬

著書成二十萬言才未盡也

得謗徧九州四海名不隨之

陳董覃給諫 啓霖

歸路三千指故鄉記否黃鶴晴川曾上高樓持使節  
去年重九作生日堂意隻難斗酒又來蕭寺弔詩魂

梅霖生太史 鍾澍

萬緣今已矣新詩數卷濁酒一壺疇昔絕妙景光祇贏得青楓落月  
孤憤竟何如百世詒謀千秋盛業平生未了心事都付与流水東風

陳岱雲太守 源兒

衆口鑠堅金誰知烈士丹心苦  
大江養明月常照忠臣白骨寒

左青士太守 仁原名輝春

使青士有年欲安天下今誰屬  
憂蒼生成病未定江南死不歸

黎壽民太守 福疇

四十年憂患飽經歎白髮早生襟韻真如古井水  
二千石謀猷初試祇丹心不死精魂長繞敬亭山

又 代沈園弟

湘妃白浪隨愁長有德配遠道相泛一曲鸞飛不得見夫婿聲音笑貌  
謝朓青山帶病看歎使君到官遽逝千年鶴返應眷戀宣州城郭人民



凌荻洲水部 玉璫

湖海詩名二十年身世略同黃仲則  
沅湘故國三千里魂靈歸傍賈長沙

柯小泉京卿 樵

目君為承明著作之才九列交推非獨我  
思親回泣血悲哀而死萬緣前定不由人

向伯常司馬 師棟

與舒嚴共稱激浦三賢同蹶妙年千里足  
念吳楚尚有高堂二老可憐孝子九原心

劉隱霞司馬 本傑

五載共干戈地下知心王壯武  
萬年歆俎豆沙場歸骨馬文淵

雷子木太守 錄

深殿注丹毫聖主殊恩記良吏  
圍城裹墨守使君遺愛在長沙

金竺虔明府 樹榮

對榻京華憶否夜雨深談情同昆弟  
牽絲嶺嶠留得春風遺愛澤及子孫

李秀峰都司

開林 湖北李壽亭農部名樹人之次叔也

期服去官有猶子能行古禮

儒冠為俠如先生豈是今人

史佩軒都司 久立

報國矢孤忠馬革已無尸可裹  
還家賸遺照鯉庭空有泪長流



凌紫巖孝廉 玉城

曰歸曰歸指故鄉  
豈期露宿風餐使為異域招魂客  
有弟有弟今詩伯  
從此孤兒寡婦付與天涯急難人

鄒叔績孝廉 漢熟

聞叔績不生風雲變色  
與岷樵同死日月增光

莫邵亭孝廉 友芝

京華一見使傾心  
當時書肆定交早  
欽宿學江表十年常聚首  
今日酒尊和泪來弔詩人

郭存門孝廉 世傳

曾鞏文章婉作醉翁門下士  
王陽家學仍為漢代弟子員

歐陽牧雲廣文 柄登

晚境頗康娛數月間正喜長男趨朝中  
男入泮高堂猶健在三年內那堪穆伯先逝  
文伯繼亡

謝春池茂才 邦翰

春艸繁詩懷有人痛哭謝康樂  
秋風埋戰骨無計招魂馬伏波

伍海門茂才 朝質

遺蛻竟難尋碧莽未收莢叔血  
忠魂常不泯丹忱應作伍胥濤

朱谷懷茂才 君瑛

文章哭炁風途窮江左羅昭諫  
羈愁聽夜雨腸斷人間蘓子由



易臨莊太學 良幹

鄧禹少從戎壯懷欲吸西江水  
終軍雖遇害殺魄猶殲南越王

張南屏太學 楚江

殺賊出奇兵竟作國殤哀翟義  
捐生完大節居然家法紹睢陽

歐陽封翁 擬杜

梁桉尚齊輝慶洽孫曾世澤長  
垂湘水永蓬湖曾侍坐官遊南北遙  
天痛說嶽雲顏

易封翁 文杰

半載從吾遊令子略同秦少觀  
一鄉飲君德古人可比許文休

郭封翁 家彪

江天落德星有人知是戴安道  
大地埋堅石看我敬銘蕪老泉

黎封翁 大迎

前輩閔凶聞願苦塊節哀留此身  
幹千秋偉業老成遽彫謝知泉原含笑  
有佳兒為三館名臣

柯封翁 華楠

詩卷我曾看刳後文章多苦語  
老儒天不負階前蘭桂有奇芬

張封翁 國重

湘水照清暉八口捐生精魂欲傍蔡忠烈  
睢陽溯祖德一門殉難賓從更憐南霽雲



程封翁 穎芝

更無遺憾看兒孫中外服官頻叨九重芝誥  
頃觸悲懷憶疇昔展昏聚處相對一局楸枰

季弟靖毅

大地干戈十二年舉室效愚忠自稱家國報恩子  
諸兄離散三千里音書寄涕淚同哭天涯急難人

胡潤之宮保太夫人

武昌居天下上游看郎君新整乾坤縱橫掃蕩三千里  
陶母是女中人傑痛仙馭永辭江漢感激悲歌百萬家

陳子鶴尚書太夫人

寸草三春令子名同天北斗  
生芻一束不才來似客南州

夏階平廉訪太夫人

夏聲知必大庭桂五株榜花三捷  
春日不長留麻衣万里寸草雙心

劉唐巖殿撰太夫人

七州團練使八座太夫人愛日忽頽鄉里哀榮天下羨  
哲嗣名狀元曾孫新進士文星環遶高堂福壽古來稀

毛寄雲給諫太夫人

訣別夫君十七年如今泉壤相逆道有子為黃門給事  
痛哭慈母一千里尚願水漿少進留此身立青史功名

梁儼蒙太史太夫人

八年九子四登科更芸館齊名相与撻藻摘華合衆口曰難兄難弟  
萬里孤雲一回首痛萱闈永隔尚異節哀順變留此身以事父事君



蕭漢溪學使太夫人

四年使節甫歸程  
豈期游子春暉寸艸難留三月景  
八十老翁應破涕  
爲道文孫秋捷佳音報與九原人

張海門學使太夫人

使節南來天上  
五花常捧誥  
慈雲西引人間  
寸艸忽傷春

倪豹岑太守祖太夫人

十載不還朝  
日短日長差同令伯陳情表  
重陽方介壽  
旋賀旋弔遽讀瀧岡樹德碑

陳岱雲太守太夫人

斷杼教兒三十年  
是絳閨詞臣洪都太守  
扁舟哭母二千里  
正鄱陽浪惡衡嶽雲愁

史士良太守太夫人

斷杼教佳兒  
入侍金鑾出紆銀印  
牽裾別慈母  
雲歸南浦月黯西湖

凌荻洲水部太夫人

折筭教蕪氏弟兄  
要知取次成名曾斷慈母機中杼  
負米走大湖  
南北豈意歸來失恃空悲游子身上衣

彭雨蒼明經太夫人

太學士三千  
獨有賢郎噪名譽  
高堂年九十  
更無孝婦侍晨昏

胡信賢太學太夫人

元女太姬祖德溯二千餘載  
周姜京室帝夢同九十三齡



陳岱雲太守夫人

割臂豈初心是孝子忠臣莫可奈何之事  
歸真無片語有堂上膝下万不忍言之衷

黃子壽太史夫人

得見夫子為文學侍從之臣雖死何憾  
但觀人言於父母昆弟無間其賢可知

賀映南太學夫人

柳絮因風闌內先芬堪繼武

麻衣如雪階前後嗣總能文

格言

原刻祇存二聯餘漫日記  
中擇出十聯補錄於後

不怨不尤但反身爭箇一壁靜  
勿忘勿助看平地長得萬丈高

丈夫當死中圖生禍中求福

古人有困而脩德窮而著書

天下無易境天下無難境

終身有樂處終身有憂處

天下斷無易處之境遇

人間那有空閑的光陰

戰戰兢兢即生時不忘地獄

坦坦蕩蕩雖逆境上暢天懷

莫苦悔已往誓尤但求此日行為無慚神鬼

休預怕後來災禍只要暮年心氣感召祥和

一心履薄臨深畏天之鑒畏神之格

兩眼沐日浴月由靜而明由敬而強



室慾常念男兒泪  
慾念當思屬續時  
養活一團春意思  
撐起两根窮骨頭  
不為聖賢便為禽獸  
莫問收穫但問耕耘  
禽裏還人靜由敬出  
死中求活淡極樂生  
取人為善與人為善  
樂以終身憂以終身

輓乳母

此聯蓋因趣近早報原刻不  
載祇以贈友人謹附卷末

一飯尚銘恩况保抱提携祇少懷胎十月

千金難報德論人情物理也當泣血三年



公於同治八年總督畿輔開禮賢館以造士復著原才一首詔示學者  
余方應童子試肄業蓮池書院會歲暮公親臨試以詩古蒙取高等課  
卷留署備選其并進後學為何如耶繼從諸生後上謁親挹言論風采  
洵一代偉人也昔東坡先生以不及見范文正公為生平之憾余小子  
獲此知遇可云榮幸顧杰類材朽老大無成媿負甚矣今為公校刊此  
聯二不賢識小者事也梓既訖復綴數語以誌感後學陳永壽敬識

退食聯粹卷上

清苑樊榕蔭蓀輯

北京

賈園

李漁

賈膠庠中丞北京有大園亭棄而不居改為鄉館凡山右名賢  
客都門者皆寓焉笠翁贈聯云

未聞安石棄東山公能不有斯園賢於古人遠矣  
漫說少陵開廣厦彼僅空懷此願較之今日何如

陶然亭

蔡錦泉

清康熙時水部郎江藻建以白樂天詩一醉一陶然句為額數  
百年來遂為城南觴詠之地

客醉共陶然四面涼風吹酒醒  
人生行樂耳百年幾日得身閒



又

翁方綱

烟籠古寺無人到  
樹倚深堂有月來

金鰲玉竦橋

趙翼

玉宇瓊樓天尺五  
方壺員嶠水中央

貢院明遠樓

失名

夜半文光射北斗

朝來爽氣挹西山

古藤書屋

朱竹垞先生舊居在海波寺街

倪國璉

一庭芳艸園新綠

十畝藤花落古香

吳江會館

陸燿

來看上苑鶯花今日幸同良會  
記省松陵文獻他年得似何人

浙江會館戲臺

失名

地當常杜城南鼓吹休明共效謳歌來日下  
人在粉榆社裏風流裙履恍携絲竹到山陰

順天

涿州城門

失名

日邊衝要無雙地

天下繁難第一州

涿州長石第二橋千間大庇亭

失名

十八省通衢冠蓋如雲斗大一州供億苦



二千年舊郡河梁落日車停片刻感懷多

通州河樓

陳德潤

高處不勝寒朔沙烏風帆七十二灣丁字水  
夕陽無限好對燕雲薊樹百千萬疊朱家山

直隸

保定兩江會館

在牛臥園

鮑源深

地接皇州須知丰畝芳園二分來太液秋光上林春色  
人懷鄉國且盡四時佳興權當作蘇臺問柳皖水看花

又

張裕釗

江漢自千古朝宗厥貢惟瑯琳琅玕冠絕天下  
幽巽於九州維首請看此高冠長佩馳舉雲中

保定湖廣會館戲臺

同上

國中和者數十人當場有客高歌是否白雪陽春獨先激楚  
大都郊外五百里他日遺民慕詠應令朱絃疏越靜譜于蕙

保定古蓮華池學古堂

同上

雲漢中天想累代壽考作人之盛  
邦畿千里望諸生馳驅報國之才

保定淮軍公所

吳汝綸

生為人傑沒乃鬼雄浩氣拱神京三光爭曜  
白骨成灰丹心不死義聲與淮水萬古長流

又

同上

此鄉乃俠窟餘風萬丈白虹馬生角  
何處訪戰場故事一堆黃土豹留皮

保定淮軍公所戲臺

同上



高節變風雲聖客歎歎擊筑欲邀燕市飲  
遺芳在蘭菊禮魂容與傳葩擬唱楚人騷

安平弓氏家祠

同上

北枕沙唐滋三水南俯滹沱中有仁人之里  
遠媲漢晉魏諸崔近師顏李蔚為方杰之光

武邑書院為鄭筠似題

同上

明公家法有禮堂寫定之經異日當成通德里  
此地昔時多燕市悲歌之士為我一弔望諸君

武強賀氏家祠

同上

太行左轉山川清淑之氣鍾焉其族世所謂甲乙  
明德代興祖宗詩禮之傳遠矣乃今大發為文章  
山東

濟南趵突泉

失名

空洞洞天作非非想  
活潑潑地故源源來

又

石蘊玉

畫閣鏡中看幻作神仙福地  
飛泉雲外聽寫成山水清音

大明湖

湖前有滙泉寺中有辟荔館面湖而立為游人讌集之所全湖  
勝概皆在目前今湖面為荷塘蘆港所隔舟行須曲折隨之是  
聯為濰縣教官郭銘盤書不知何人所撰

舟行著色屏風裏  
人在迴文錦字中



又

四面荷花三面柳  
一城山色半城湖

又

集唐句

劉金門  
孫星衍

地占百粵多是水  
樓無一面不當山

失名

雨花道院

而不崇朝徧天下

花隨流水到人間

何紹基

濟南古歷亭

集蘭亭字

山左有古歷亭空攬一帶幽齊之勝  
大清當今萬歲時為九年己未所脩

又

張裕釗

活水問源頭七二名泉隨地湧  
好山排對面一千尊佛隔城看

又

失名

勝景畫圖開憶杜老當年豪氣縱橫傾北海  
酒痕襟袖滿自杭州至此風光明媚似西湖

又

龔易圖

李北海二豪裁杯月相邀頓教歷下古亭千古入詩人歌詠  
杜少陵已往矣湖山如昨試問濟南過客有誰繼名士風流

泰山

集唐

彭玉璠

我本楚狂人五嶽尋山不辭遠  
地猶鄧氏邑萬方多難此登臨



歷城縣官廨

張之洞

襟帶七十二泉到處皆馬蹄秋水  
領袖一百八縣無時不虎尾春冰

山西

介之推祠

沁州綿山

王執中

主辱臣憂當在外泛亡一飯已經肝膽碎  
功成身退問諸君食祿千秋留得姓名無

河南

三賢祠

在梁苑古吹臺上祀李太白杜少陵高適夫三公

麟慶

一覽極蒼茫舊苑高臺同萬古

兩間容嘯傲青天明月此三人

南陽府城樓

失名

真人白水生文叔

名士青山卧武侯

羊角山披雲亭

山在陝州城西北隅城臨黃河

失名

小山承蓋

大河前橫

開封二曾祠

許承禱

弟兄皆許國

出入冠諸公

陝西

潼關

失名

華嶽三峰憑檻立

黃河九曲抱關來



馬嵬坡 興平縣 集唐

畢沅

鶯花尚戀霓裳影  
環佩空歸月下魂

馬嵬坡楊妃墓

清乾隆中畢沅中丞題曰唐明皇貴妃楊氏之墓同治時許仙屏視學關中建楊妃祠並題聯

谷鈴如訴舊愁來蜀道秦川過客重談楊李事  
墓粉還將秋色補兩塵雲夢傷心何似漢唐陵

臨潼華清池環園

楊蓉甫

繡嶺菱荊榛祇餘埃館留賓記當年賜浴池邊長恨空吟白傅  
環園新結構云是唐宮舊址問我輩沉香亭北雅才誰嗣青蓮

灞橋驛舍

葉伯英

詩思問誰尋風雪一天驢背上  
客魂消欲盡雲山萬里馬蹄前

甘肅

風月亭 在寧縣

失名

把酒喜臨風問當日才人可有落帽孟嘉披襟宋玉  
開軒宜賞月愛此中佳趣誰為據床庾亮對影青蓮

江蘇

瞻園 在金陵藩署西偏

相傳金陵藩署本明中山王故邸上聯為中山王自作屬對未  
就懸金於門有能對者酬之越數月有諸生某對成王大喜遂  
鐫於柱又云此聯為錢牧齋所撰上聯懷有明下聯頌清室未  
知是否

大江東去浪陶盡千古英雄問樓外青山山外白雲何處是唐宮漢闕  
小苑春回鶯喚起一庭佳麗看池邊綠樹澗邊紅雨此中有舜日堯天



金陵湖廣會館

吳汝綸

汎洞庭湖八百里秋波挂席來遊三楚風濤拂袖底  
邀太白樓一千年明月憑闌遠眺六朝煙景落樽前

金陵莫愁湖

彭玉麐

山色慣迎逃世客

水聲常送渡溪僧

又

同上

王者五百年湖山具有英雄氣  
春光二三月鶯花合是美人魂

莫愁湖水閣

李堯棟

一片湖光比西子

千秋樂府唱南朝

莫愁湖曾公閣

曾文正公剛藩薨後  
士庶瞻影以祀之

薛時雨

出西州門迤邐而來看桑麻徧野花柳成蹊十萬戶重觀昇平遺愛難  
忘白叟黃童齊墮淚  
與中山王後先輝映幸湖海波平石城烽靜五百載允符運會大名並  
峙袞衣赤舄更圖形

揚州康山

陳鴻壽

春水綠波揚子渡

梅花明月狀元山

揚州三賢祠

失名

緣此即蘇園清乾隆乙亥園就祀盧雅雨與程千橋黃而  
治之祀歐陽文忠公蘇文忠公及清王文簡公旁有蘇亭

良辰盡為官忙得一刻餘閒好誦史繙經別開生面  
傳舍原非我有但兩番視事也栽花種竹權當家園



揚州凝翠軒

祝允明

四面有山皆入畫  
一年無日不看花

揚州平山堂

伊秉綬

隔江諸山在此堂下

太守之宴與衆賓歡

揚州史閣部

可法祠在揚州城外梅花嶺下距平山十里

蔣士銓

心痛鼎湖龍一寸江山雙血泪

魂歸華表鶴二分明月萬梅花

又

失名

殉社稷只江北孤城剩水殘山尚留得風中勁艸  
葬衣冠有淮南抔土冰心鐵骨好伴取嶺上梅花

又

吳大澂

何處弔公魂看十里平山空餘蔓艸  
到來憐我晚只二分明月曾照梅花

又

嚴問樵

生有自來文信國  
死而後已武鄉侯

揚州府署客廳

王文治

上客盡知名杜牧詩才絕照賦手  
前賢有遺韻魏公勺藥永叔荷花

揚州府署樂樓

同上

數點梅花橫玉笛  
二分明月到金尊



集賢樓 下臨城河

失名

桃花潭水深千尺

明月揚州第一樓

某氏園戲臺

李澄

聖客為誰聽二分明月簫聲依稀杜牧  
主人休問有一管春風詞筆點綴揚州

永濟寺 在燕子磯

失名

松聲竹聲鐘磬聲聲自在  
山色水色煙霞色色皆空

永濟寺觀音太士

失名

音亦可觀方算聰明無二用  
佛何稱士須知儒釋有同源

太白樓 在采石磯

胡敬

公昔登臨想詩境滿懷酒杯在手  
我來依舊見青山對面明月當頭

又

王友才

我輩此中宜飲酒  
先生在上莫題詩

虎邱白公祠

賀長齡

唐代論詩人李杜以還惟有幾篇新樂府  
蘇州懷刺史湖山之曲尚留三畝舊祠堂

又 集公句

何紹基

袖中吳郡新詩本  
襟上杭州舊酒痕



虎邱景李堂

太白有虎邱夜游序  
每屆春時牡丹最盛

一序證前游太白光芒神久在  
三章懷絕調牡丹時節我剛來

虎邱花神廟

失名

一百八記鐘聲喚起萬家春夢  
二十四番風信吹開七里山塘

焦山松寥閣

陳鵬年

月色如畫

江流有聲

焦山自然菴

鄭燮

山光撲面經新雨

江水回頭為晚潮

金山寺弥勒龕

吳騫如

大度色容了却人間多少事

滿腔歡喜丟開天下古今愁

安徽

大觀亭

在省城外亭內  
祀余忠宣公

鄧嶰筠

尊前帆影檻外嵐光數勝蹟重重都向江頭開畫本  
樓上仙人閣中帝子溯游蹤歷歷又來亭畔弔忠魂

又

李振鈞

秋色滿東南笑赤壁以還與客泛舟無此樂

大江流日夜問青蓮而後舉杯邀月有何人

桐城縣學堂

吳汝綸

後千百年人才奮興胚胎於此



合東西國學問精粹陶冶而成

江西

滕王閣

依然極浦遙天想見閣中帝子  
安得長風巨浪送來江上才人

廬山絕頂

足下起祥雲到此者應帶幾分仙氣  
眼前無俗障望空後宜生一點禪心

庾樓

在九江都署後

半壁江山六朝雄鎮  
一樓風月幾輩傳人

又

宋 肇

李 漁

洪亮吉

張 寅

如此江山何幸不才來領郡  
亦談風月每逢佳興即登樓

浙江

梅亭

在孤山林處士祠

林則徐

世無遺艸真能隱  
山有名花轉不孤

西湖花神廟

失 名

翠翠紅紅處處鶯鶯燕燕  
風風雨雨年年暮暮朝朝

蘓公祠

阮 元

欲共水仙薦秋菊  
長留學士住西湖



杭州貢院

同上

下筆千言是桂子黃時木樨香候  
出門一笑正西湖月滿東海潮來

冷泉亭 在飛來峰下

董其昌

泉自幾時冷起

峰從何處飛來

又 開係仙筆

泉自冷時冷起

峰從飛處飛來

又

左宗棠

在山本清泉是源頭冷起  
入世皆幻峰從天外飛來

駕鵞湖 一名南湖在秀水縣南二里

彭玉磨

移得蓬萊來世上

別有天地非人間

溫州梅雨潭

失名

飛瀑半天晴亦雨

寒潭終古夏如秋

會稽陳氏家祠 祠在大舜河上流傳有曹娥廟

吳汝綸

舜水長流萬子孫遠託靈宗無自忘其鼻祖

漢碑永峙一女郎尚能盡孝何況生為丈夫

石門洞 在青田縣

失名

似洞非洞適成仙洞

無門有門是為佛門



湖北

黃鶴樓

失名

恨我來遲鶴已去  
怪人到早詩先傳

又

陳兆慶

一枝筆挺起江漢間到最上頭放開肚皮直吞將八百里洞庭九百里雲夢

千年事幻在滄桑裏是真才人自有眼界那管他去早了黃鶴來遲了青蓮

又

張世準

誰曾將此樓一拳打破  
我也在上頭大膽題詩

又

失名

樓未起時原有鶴  
筆經擱後更無詩

又

施壽伯

白雲黃鶴四顧蒼茫有好詩傳九百季前樓閣重新誰更上  
詞客仙人一流人物看東湖在三千里外海潮不到我能來

又

黃菊人

老子興來除開辛氏豈無酒  
高人輩出壓倒崔公便是詩

又

失名

青蓮應怪我來遲不敢亂題詩恐被隔江鸚鵡罵  
黃鶴已隨仙去久倘教重弄笛定驚遠岫鳳凰飛



又

何時黃鶴重來且自把金尊看洲渚千年芳艸  
今日白雲尚在問誰吹玉笛落江城五月梅花

失名

又

李聯芳

數千年勝蹟曠世傳來看鳳凰孤岫鸚鵡芳洲黃鶴漁磯晴川傑閣好  
個春花秋月祇落得賸水殘山極目古今愁是何時崔灝題詩青蓮擢  
筆

一萬里長江幾人陶盡望漢口斜陽洞庭遠漲蒲湘夜雨雲夢朝霞許  
多酒興風情儘畱下蒼煙晚照放懷天地窄都付與笛聲縹渺鶴影踰  
躔

又

彭久餘

勝地課持衡每懷太白高風歎千古文章無意休教輕下筆

仙蹤經換劫重話辛家故事幸一時際會有緣仍許再登樓

又

李鴻章

數千里奔湍激浪到此樓前公暇一憑欄江漢雙流相映照  
十餘年人物英雄恍如夢幻我未重訪鶴滄桑三度記曾經

又

彭玉麐

心遠地天寬把酒憑欄聽玉笛梅花此時落否  
我辭江漢去推窗寄慨問仙人黃鶴何日歸來

又

張之洞

江漢美中興願諸君努力匡時英但賞樓頭風月  
輜軒訪文獻記早歲放懷游覽曾飽看春暮烟花

又

同上

昔賢整頓乾坤締造皆從江漢起



今日交通文軌登臨不覺亞歐遙

晴川閣

與黃鶴樓隔江對峙

李漁

仙家自昔好樓居吾料乘黃鶴者去而必返  
詩客生前多羽化焉知賦白雲者非即其人

仙棗亭

在黃鶴樓之左為大  
白亭今呼仙棗亭

何紹基

千年仙棗不留核

五月落梅猶有花

又

游入觴聽成集此亭

余本敦

此地饒千秋風月

偶來作半日神仙

湖北貢院

張之洞

剔弊何足為難為國家培養人才方名稱職

衡文祇是一節願諸君步趨賢聖不僅登科

黃州蘇長公祠

同上

五年間謫官樓遲試借問惠州僧梵唄耳蠻花那有此清幽山水  
三樞中天才獨絕若祇論東坡八詩赤壁兩賦尚是公游戲文章

湖南

三閭大夫祠

在蘇州

秦瀛

何處招魂香草還生三戶地

當年呵壁清湘應識九歌心

長沙屈賈二公祠

失名

親不負楚疎不負梁愛國忠君真氣節  
騷可為經策可為史出風入雅大文章

岳陽樓

失名



一樓何奇杜工部五言絕唱滕子京百廢俱興范希文兩字關題呂純陽三過必醉詩耶史耶儒耶仙耶前不見古人使我愴然涕下諸君試看洞庭湖南極瀟湘揚子江北通巴峽杭州城西迎爽氣岳麓山東達巖疆渚者流者峙者靜者此中有佳趣問誰領取得來

又

失名

放不開眼底乾坤何必登斯樓把酒吞得盡胸中雲夢方許對仙人吟詩

又

失名

四面湖山歸眼底

萬家憂樂到心頭

又

畢沅

湘靈瑟呂仙杯罍攬雲濤人宛在

子美詩希文華笑題雪壁我重來

又

周元鼎

後樂先憂范希文庶幾知道

昔聞今上杜少陵可与言詩

福建

百一峰閣

福州

梁章鉅

平地起樓臺恰雙塔雄標三山秀拱披襟望霄漢看中天霞落大海瀾迴

開化寺

福州小西湖東偏

集句

黃莘田

桑柘幾家湖上社

芙蓉十里水邊城

鼓山湧泉寺山門弥勒座

福州

失名



日夕携空布袋少米無錢却賸得大肚寬腸不知衆檀越信心時用何物供養

年々坐冷山門接張待李總見他歡天喜地請問這頭陀得意處是甚麼來由

廣東

韓文公祠 潮州府

失名

天意起斯文不是一封書安得先生到此人心歸正道只須八箇月至今百世師之

潮州西湖

失名

湖名合杭穎而三水木清华惜不令大蘇學士到此山勢分村郭之半樓臺金碧還須倩小李將軍畫來

惠州合江樓 上祀奎星

劉樹君

此是東坡舊居應有文光聯北斗恰与西湖對峙長留詩境在南州

武林會館戲臺 在碑樓門外

梁紹壬

一闌荔支香聽玉笛吹來徧傳南海雙聲楊柳曲問金尊把處憶否西湖

廣西

李園 桂林城北

周升桓

一帶林塘詩境界

四時花果隱生涯

又 晉碧堂

商盤

北院喜新成有寒碧千層遠青一角東君如舊識正庭槐垂蔭梁燕將雛



又 避暑亭

李芸甫

乍來頓遠塵囂靜聽水聲真活潑  
久坐莫嫌荒僻飽看山色自清涼

貴州

貴陽省城北關外頭橋

失名

說一聲去也送別河頭歎萬里長驅過橋使入天涯路  
盼今日歸我迎來道左喜故人見面握手還疑夢裏身

貴陽東門外江蘇會館

鮑源深

秋來黃葉成村對景忽生歸棹想  
雨後青山滿郭登樓常作故鄉看

雲南

海心亭 在府城

黃奎光

有亭翼然占綠水十分之一  
何時間了與明月對影而三

四川

昭烈廟

崇實

使君為天下英雄正統攸歸王氣鍾樓桑車蓋  
巴蜀係漢朝終始遺民猶在霸圖餘古柏祠堂

惠陵

同上

一抔土尚巍然問他銅雀荒臺何處尋  
三足鼎今安在賸此石麟古道令人想漢代官儀

又

失名

與吳魏為難此日收場不過墓門寬幾尺  
繼高光而起當年壯志那容漢土窄三分



武侯祠

三代下有儒者氣象  
諸葛君真名士風流

失名

武侯琴亭

失名

古調多不彈蜀漢後竟成絕響  
斯人能就見使君外難得知音

杜工部草堂

代景時暢作

高升之

十年幕府悲秦月

一卷唐詩補蜀風

又

彭毓崧

詩有千秋南來尋丞相祠堂一樣大名垂宇宙  
橋通萬里東去問襄陽耆舊幾人相憶在江樓

又

顧復初

異代不同時問如此江山龍蟠虎卧幾詩客  
先生上流寓有長留天地月白風清一草堂

又

何紹基

錦水春風君占卻

草堂人曰我歸來

又

楊振麟

一飯不忘君公真稷契  
千篇可作史我薦馨香

又

張剛

彼令公何人敢稱知己  
除太白而外無可論文



唐冀國夫人祠 在工部草堂內

顧復初

一代紅妝繼李波小妹  
數行青史先石碣夫人

薛濤井

何紹基

花箋茗椀香千載  
雲影波光活一樓

薛濤吟詩樓 俗名望江樓

顧復初

引袖拂寒星古意蒼茫看四壁雲山青來劍外  
停琴佇涼月予懷浩渺送一篙春水綠到江南

又

伍生輝

古井冷斜陽問幾樹枇杷何處是校書門巷  
大江橫曲檻占一樓風月要平分工部草堂

又

胡式金

携酒餅作半日遊仙看古井依然能無向春風一倒  
遣詩懷來五雲多處喜花箋尚在猶想見洪度當年

關廟樂樓

高升之

擊鼓聽三搥想曹氏阿瞞曾經魄奪  
誤絃邀一顧憐小喬夫婿未免情癡

桂湖

在新都縣城內中  
祀楊升菴先生

費道純

宛在水中央聚千古名士忠臣人兩箇  
生成香世界看滿湖春風秋月花四時

龐靖侯祠

落鳳坡

失名

造物忌多才龍鳳豈能歸一主  
先生如不死江山未必許三分



三蘇祠 眉州

張鵬翔

一門父子三詞客

千古文章八大家

蘇公讀書臺 嘉定府

何紹基

江上此臺高問坡顚而還千載讀書人幾箇  
蜀中游迹徧看嘉峨並秀扁舟載酒我重来

奉天

龍泉寺

失名

龍之為靈昭々吐雨興雲何必遠尋南岳  
泉之不捨滾々吟風弄月無妨借作西湖

退食聯粹卷下

清苑樊榕蔭蓀輯

清高宗純皇帝五旬萬壽 乾隆

紀昀

四萬里皇圖伊古以來從無一朝一統四萬里  
五十季聖壽自今而後尚有九千九百五十年

壽吳太夫人七十 清吳祭酒錫麒太夫人

張問陶

惟善人現壽者相

有令子為天下師

壽某太夫人九十 九月十八日

吳召封

先大士一日而生有子為萬家生佛  
願壽母十年不老他日祝百歲老人

壽孫相國七十 家藏

于式枚

壽州相國壽者相



天子師傅天下師

壽李文忠公七十

鴻章

張之洞

四裔人傳相司馬

大年吾見老猶龍

又集石峪殘字

吳汝綸

我國有大老

是身得長生

壽范肯堂

同上

兄弟以頭腹尾擅譽

文字与梅曾張代興

壽曾劼剛襲侯

同上

懋德所綏橫大海內外

斯民之望与太傅後先

壽山東巡撫某太夫人

范當世

諸侯歛衽而朝尚有雄風表東海

王母稱觴於此正看初日照神山

挽朱笥河先生

筠

紀昀

學術各門庭与子平生無唱和

交情同骨肉俾予後死獨傷悲

挽劉文正公

統

同上

岱色蒼茫衆山小

天容慘淡大星沉

秋帆自輓

營生機於鄒耐山

畢沅

讀書經世即真儒遑問他一席名山千秋竹簡



學佛成仙皆幻相終輸我五湖名月萬樹梅花

挽平湖吳臺卿

梁同書

臺卿諱顯德松圓協揆之猶子山舟學士之甥也幼聰敏年十六受知於朱文正公補博士弟子員才藻冠時乃十上鄉闈未第鬱々不得志遂遁而學仙叩長生之術年未四十以瘵卒太夫人猶在堂也

天道何知不許阿嬬留李賀

神仙安在翻教老淚哭羊曇

挽汪恭人

山舟學士德配恭人長學士一歲先學士二年卒

同上

一百年彈指光陰天胡靳此

九十載齊眉夫婦我獨何堪

錢塘士紳公挽梁山舟學士

朵殿奉絲綸四百紙述事記言史館猶傳大手筆

明湖思俎豆九十載清風儉德邦人長想古衣冠

覺生自輓

覺生先生才氣別時以微凡波人為世所嫉

鮑桂星

功名事業文章他生未卜

嬉笑悲歌怒罵到此皆休

輓子汝信

乾隆己酉考廩

紀昀

生來富貴人家却怪恠奇奇祇落得終身貧賤  
賴有聰明根器願生生世世莫造此各種因緣

挽岳母

張之洞

祖餞鶴樓春恨章皋入蜀來遲展拜并酬妣母惠  
輓歌燕塘月痛潘岳悼亡早賦傷心未遣老人知

挽柏秀峰相國

後

李鴻章



其生也榮其死也哀雨露雷霆皆帝德  
臣門如市臣心如水皇天后土鑒孤衷

輓羅忠節公

澤南

左宗棠

率生徒數十人轉戰而來克廿餘城殺億萬賊是良將是名臣獨有千秋羅山不死

報國家二百年養士之澤提三尺劍著等身書亦純儒之義友又弱一個湘水無情

輓曾文正公

國藩

薛福成

邁蕭曹郭李范韓而上大勲尤在薦賢宏獎如公悵望乾坤一灑淚  
窺道德文章經濟之全私淑之兼親矣迂疏似我追隨南北感知音

又

周開錫

中興將相出其門合武鄉汾陽之功併為一手

半壁東南失所恃問王導謝安而後幾見斯人

又

李鴻章

師事近三十季薪盡火傳築室忝為門生長  
功名蓋九萬里內安外攘曠代難逢天下才

又

左宗棠

謀國之忠知人之明自媿不如元輔  
同心若金攻錯若石相期無負平生

輓康蘭皋中丞

紹鏞

史望之

同譜最相親憶白髮青燈昨歲尚陪連夜話  
名山期共往歎太行盤谷此生無復並驂游

輓岳小瀛方伯

起

紀昀

方伯以江蘇撫部引疾旋晉少宗伯嘉慶己巳薨於位宗伯居



官公正清廉有伯道之感為睿廟所知特命公之夫人擇族人之子為嗣先是宗伯因族人寡々無當意者具遺摺以聞至是夫人亦不顧睿廟亦不之強乃命大宛兩縣于春秋致祭以為例洵曠典矣

剛峯原不随流俗

孝肅何須有後人

挽張蘭渚侍郎

林則徐

感恩知己兩兼之擬今春重謁門庭誰知一紙音書竟成絕筆

盡忠補過今已矣憶平昔雙脩儒佛但計卅年官績也合升天

挽屠翠鵬大令

江引疾家居忽奉命授九江府未赴即客死揚州

齊彥槐

一病負殊恩九派清江懷太守

十年成大覺二分明月弔詩人

挽萬小廉侍御

歷山縣丞之子甫由部郎擢御史遷卒遲一月廉山亦卒

同上

三尺好頭銜執簡無緣報國空懷萬言疏

一家大手筆修文有命奉親先赴九重泉

挽程翼亭

廣文

張清元

雖吾家聽子而行身乍返面無多思々竟永訣乎反不如片紙空書能

達二千里外

非夫人為誰有慟親已衰子尚幼事々皆難言矣更何論前席函丈相

依十九年來

挽潘文勤公

祖蔭

翁同龢

金石錄十卷人家推公特識

松陵集合刊詩句稱我孤行

挽某方伯

張之洞



人琴感舊三千里  
風浪同舟十五年

挽李文忠公鴻章

嚴復

使當時竟用其謀知成功之不止此  
倘晚節無呂自見則士論又將如何

挽王鼎丞方伯

吳汝綸

當年定文在太白樓頭倚馬才高共看人敬張君嗣  
異日掩泪過八公山下停車腹痛苦憶書論盛孝章

挽劉省三軍門

銘傳有請建鐵路  
疏先生為之起什

同上

是淮軍傑出奇才龍性難訓休沐輒尋黃石約  
與國家規宏大業易言謬采入朝曾草阜囊封

挽姚慕庭母

石甫先生  
如夫人

同上

少事當代文宗足跡所經東極日出西極日入  
老被滿門福蔭膝前遺愛既有文子又有文孫

挽張筱蓀夫人

同上

毓於名父嬪於勞臣內外宗所尸祝  
身有榮封後有良嗣六七葉之門風

挽中島成章母

同上

郎君學問具神通起自震旦色東海西海  
阿母慈悲真智度疑与摩耶為前身後身

挽姚錫九大令

同上

一生備歷險阻艱難為奇童為英賓為循吏  
半駕脫棄宗親骨肉有愛弟有弱子有孀妻

挽鄉先輩某君

同上



與先大夫當時行輩相隨經明行脩有如公者蓋亦鮮  
近三數年諸老風流頓盡後生小子何可憚而不為非

挽劉薌林觀察

同上

如明公可謂才臣鄙夫謬附清流能無杜門齟舌  
知太史當成佳傳賤子欲求行狀一為鑽石埋辭

挽史香雅

同上

遠別已三十年記賓館留賢看子一過丞相府  
近畿方五百里自先生即世何人更應少微言

挽陳伯平中丞母

同上

生存百歲入圖書蚤歲鴻妻晚歲文伯母  
將養諸兒盡才傷小兒召父大兒朱雲師

挽李筱泉制軍

瀚章

同上

從師得千載一過之人直取旌麾作衣鉢  
有弟為五洲百傑之選蚤將家世服單于

挽李剛己進士尊人

同上

干祿勸遲回孤負賢郎三釜意  
蓋棺便紛擾完成平世百年身

挽閻鶴泉檢討尊人

同上

置身在物外煙霞下走南北海浪遊避我公三舍  
有子為禁中頗牧方志二百年故事止此老一人

挽李文忠公

鴻章

同上

教我兩言與元氣伴又入無間  
別公幾日為天下慟且哭其私

又

同上



恩詔所褒任旋輒轉坤之難事  
湘鄉有約為飲冰茹藥之勞

挽閩中陳伯潛閣學太夫人 時閣學典試某省

張佩綸

狄梁公奉使望吾親白雲孤飛將母有懷嗟陟屺  
孫伯符同年小一月東風不便弔喪無面愧登臺

清隆裕太后挽聯

失名

后亦先帝之臣本變法心傳遂公天下  
禮為舊君有服矧共和手詔尚在人間

挽周世臣觀察太夫人 觀察名雲文忠公天爵  
鴻海秋傳御外孫

陳永壽

教子成當代通才楊惲文章宗外祖  
奉母就一官祿養安仁政績在中州

挽樊岷泉姻伯

同上

生平重知己沒世感殊恩恨者番抱病歸來畚報未償遊子顛  
蚤歲歷艱辛晚年享遐福誰料得痛心時局隱憂難釋老人懷

挽王文泉 瀕刻有數補書

同上

聞三千年載籍之光考獻徵文河朔英靈齊下拜  
擅十萬卷藏書之富親賢樂善幾南羣彥盡逆遊

挽王佑遐侍御 聯運

王思綬

公廷抗疏當時推直諫一人忽教歌發滄浪薄海難容蘇子美  
專席談經晚歲作維揚羈客縱使辭傳楚些苦懷誰識屈靈均

挽嚴佑之 鎮江大慈善家

丁秀甫

百家之中與墨子近  
九原不作如蒼生何

挽黃仲則 景仁江蘇武進人客死長安

洪亮吉



遺札到三更老母孤兒惟我託  
炎天走千里素車白馬送君還

挽楊斯作尊人

時方以墳地涉訟

周彥升

生者安然後逝者安爭坏土於伯叔兄弟之間況而有知將無是恫  
陰地好不如心地好處諸子為吉凶禍福所感書此以示且告公靈

挽妻

趙翼

果有來生耶汝定奇男願叶墳荒為伯仲  
最難今日可我雖達士豈能鐵石作心腸

挽繼室王夫人

張之洞

卿盛年吾將老豈期見尔升天檢曩時刺血書經泉下先歸供一慟  
重風節愛文章真可与夫偕隱憶良夜翦燈讀畫夢中踐約或重来

挽妻

陳夔龍

七箇月音容睽隔与卿遽斷塵緣惟此時女待嫁男待婚汝死何知不  
堪入室重回首

二十載門戶綢繆愧我難償缺望到今日債已完人已去他生未卜方  
信冤家始聚頭

挽妻

劉澤人

魂兮歸來乎從前備歷艱辛多病多愁都為我  
甚矣吾衰也此後漸趨老境知寒知暖更何人

挽妻

孫仰吾

何以為情貧賤夫妻垂老別  
安知非福亂離時世善終身

挽妻

濮文暹

此別不多時但未知世界三千待我在天還在地



深情期必報容再得俸錢十萬與君營莫復營齋

挽未昏妻

失名

余何人我何人無端六禮相要惹出今朝煩惱  
生不見死不見但願三生有幸再結來世因緣

退食聯語

清苑樊榕蔭蓀撰

四川京奉直東會館

光緒甲辰

論方輿呂東北形勢為雄地接神京錦繡山川瞻日近  
去鄉國在五千里路而外人聯嘉會衣冠桑梓話尊前

陝西留侯祠

代許紫範

雖云山水宜人那須過客登臨祇談風月  
況值國家多難不有先生勲業莫學神仙

眉州三蘇祠

似此父子兄弟萃於一門那許忌才歸造物  
能以經濟文章傳之千載何妨講學讓儒家

成都工部艸堂

造物何心窮我輩



先生未忍作詩人

成都昭烈祠

帝本燕人曾向鄉祠瞻咫尺

蜀為正統漫言天下尚三分

成都薛濤吟詩樓

俗名望江樓為  
人士聚會之所

僅餘幾樹枇杷門前車馬猶如此

試問千年明月樓上風光昔若何

乃園

以下三聯  
俱乃園

園在四川藩署清嘉慶時楊荔裳方伯建光緒甲辰許紫純方

伯由秦移蜀重加修葺補種梅花三百株風景與吾鄉張柔古

蓮池相似因代題聯

此是荔裳百梅亭舊基况一壑一丘又從秦澍蜀山携來粉本

恰與上谷古蓮池相似對斯臺斯榭更覺荷花秋水動我鄉情

三百樹梅花山館

漫說梅花三百樹不見放翁料月白風清也要化身千億

試向錦江萬里橋來尋工部問秋光春色可能讓我幾分

倚天草堂

對風月累千觴也知我今夕傾談借箸預籌天下事

拓園林十數畝且無論明年何處栽花先釀萬家春

蟲翠亭

不咫尺即上雲霄漫誇東郭風光濯錦江邊崇麗閣

是一幅天然圖畫絕似西湖勝境飛來峯下冷泉亭

四川京奉直東會館戲臺

習俗視聲律為轉移須知下里巴渝有關風化



忠孝由人心所感觸漫道激昂慷慨不在悲歌

### 保定大慈閣

此閣元明以來代有修理至清同光間上層西北隅柱石朽陷四週簷欂瓦落殘毀不堪予籌款興脩并約王君靖忱督工事竣值國變未及樹碑爰題聯以紀實

建此閣自元代何年名冠畿南上谷八景

保古蹟亦我輩之責時為光緒戊申重脩

### 大慈閣宣講閱報所

漫論他後到先來但願箇中人作不速佳客  
略增些耳聞目見也算這層閣是進步階梯

### 保定育嬰堂

說甚麼格外慈悲痛癢要從心上過

權當作自家兒女呼號都到可邊來

### 普濟施醫院

育嬰堂附設

此盲啞學校舊基費幾番點綴經營地闢園林塵不到  
推育嬰慈善事業我總願維持調護人無老幼壽同登

### 保定三十六忠義祠

明崇禎甲申李自成犯京師復攻保定張公羅俊率義勇二千  
守城殺賊萬餘以衆寡不敵城破其部將三十六人格賊於鼓  
樓大街血戰俱死葬清河道署後惜不傳其姓氏同治辛未陳  
道鼎建祠表墓乙卯唐公景嵩重脩予題聯語

這都是燕市豪雄問上下數千年似此姓氏不傳人有幾  
何處尋戰場遺蹟賸邱壠一抔土徒令春秋憑弔我增悲

### 楊忠愍公祠

北京宣武門外松筠庵



諫有艸訓有書千古萬古  
夏之龍殷之比前身後身

清苑樊氏宗祠

家居斯土四百年也知我祖澤綿延總不外心作良田善為至寶  
傳及予身十三世願長此書香繼續好培些勤儉子弟賢孝兒孫

樊氏家塾

學者讀書須將聖賢言語都向身心上體貼方不蹈書自書我  
自我之病惜晚近士夫鮮有以此詔子弟者致令少年學子離  
經畔道倫理乖廉恥喪子弟之率不謹亦父兄之教未先也予  
撰斯聯子弟儻能觸目警心不呂世俗自待其庶乎

尊所聞行所知顛子弟循聖賢趨步  
養其根蔌其實以家塾作學校權輿

樊氏宗祠藏書廳

合我同姓遠近親疏長幼奉俎豆馨香睦族敬宗無二理  
藏數萬卷經史諸子百家作兒孫師友承先啟後有同源

遼園

園在北京地安門外

吾浙官晉者滄桑後半為北平流寓甲戌夏涵青有道卜居是  
園與北海為鄰又具湖山之勝因代題聯

分來北海風光把酒莫拋佳日過  
回憶西湖煙景憑欄權作故鄉看

保定蓮池圖書館

圖書館書籍為古蓮華池萬卷樓舊存滄桑後圖書散佚館長  
蘇鏡涵君收拾殘闕重新整理己卯夏索予題識因撰是聯

千年松柏猶留守



萬卷圖書復舊觀

贈張壽岩 第思滿城

壽岩表弟美須髯忘懷得失有元亮風嗜酒酒酣興發輒呂畫  
自娛凡一花一鳥一艸一蟲莫不曲盡宋元人之妙實得乃祖  
小蓬先生家法非後學所夢到也

是何許人義皇以上

論這枝筆宋元之間

又

得酒未曾辭一月開尊當不止二十九日  
拈毫誰復記平生作畫定超過三萬六千

贈趙頤菴 果數清苑

遠聞佳士出吾黨

安得詩人兼畫師

贈吳迪生 文儀徵

迪生工篆刻尤精鐫竹鑒者謂明之三朱 松臨小清之沈  
晉不是過也又善治印泥得清廷御製法人爭寶之 松三松

擘絮研朱為秦漢以來印人生色

雕蟲篆鳥與明清之士藝術同工

贈郭琴石同年 家聲武清侯已舉人笑印進  
士嗜酒有思冬書屋詩集

有酒即開尊當五十畝種杭五十畝種秫  
賦詩難計算况八千歲為春八千歲為秋

壽章仲迂六十 之節

春暮祝長春天厚仁人應須兼備九五福  
壽君還自壽我無奢望願再聯交四十年



壽張壽岩表弟七十

君後七夕十三日而生巧自天來畫本爭傳大手筆  
我以春秋八千歲為壽年從齒序醉翁還是小神仙

還安七十自壽

庚午

人生七十古已稱稀在曩日所料不及此  
自訟再三過仍未寡到百年則愧更何如

挽孫壽卿軍門

萬林四川建昌鎮

代程會亭作

且無論為長城作柱石名將似公稀想到廿載知交此後向誰論血性  
何況是登峻嶺涉大河同行餘我在不料半途驚耗彼時轉悔早歸來

挽鳳弟堂都統

金光緒甲辰西藏欽使

代許紫純作

弟堂都護同年平生重氣節余夙心折銜命出關本以立功異  
域相期許不意風雲變色公竟為國死矣貽書有一片雄心銷

磨殆盡二語今不幸言中悲夫

面目縱如生那堪為國捐軀馬革幾無屍可裹  
悲懷今頓觸不意寄書成識雄心盡付水同流

挽外姑胡太夫人

陳同山舍人大夫人

久悔宦游非况巴蜀歸來展拜未償他日願  
已成兒女累想梁園此去難言最是老人心

挽元配陳夫人

名父壽字佩珊清苑陳同山舍人胞妹壬子九月

人生只此百年胡不待我

親喪未逾三月何又哭君

挽妻兄陳同山舍人

永壽光緒乙亥舉人甲午進士內閣中書壬子十二月

是四十年文字骨肉之交方期數澤歸來開徑重尋當日脉  
未百餘日兄妹後先俱喪說到安仁遭際傷心難遣我公知



挽季弟梁叔

補

丁巳六月

聰敏二猶人可憐壯志未伸卅載光陰如夢過  
坎軻誰似我何況衰年逢此百端酸痛觸心來

挽孫自父同年

鳴皋易縣癸巳舉人甲午進士

名隨謗以立謗隨名以增衆口何傷能說斯民皆直道  
君視我猶兄我視君猶弟癡心未已還期來世訂知交

哭女光第

他生須要減聰明只幾筆分書已能促壽

垂暮不堪攪苦惱令七旬老父何呂為情

又

汝未送我老我先送汝終大數限人復何言也  
女為父病憂父愈女命絕天心勸孝有如是乎

挽王繹儒大令

恩縣光緒辛卯舉人

繹儒大令及孫自父庶常張麓雲孝廉為予四十年前故交孫  
張逝後繹儒與予有卜鄰之約并以共保歲寒相勗詎辛未正  
月繹儒又病歿梁園曩日故人今都哭盡他年哭我又復何人  
言念及此益令予慟老友不置也

卅年心迹最相親久思老友歸來偕隱牆東效元白  
晚歲康強期共保孰意哀音猝至遽泛泉下訪孫張

挽周明如女士

若昭事親不嫁

德與才兼攷歷史自秦漢唐宋呂來此才有幾  
貞從孝出觀人言於父母昆弟無間其孝可知

挽吳姓波直刺

隆桐江寧

世界變滄桑亦知口角風情半自胸中悲咽出



朋儕漸凋喪獨恨人間歡聚不如天上故交多

挽劉宗彥大令太夫人

唁友喪頓觸孺懷七十年陟屺增悲小子長銜無母泪  
觀郎賢益知慈德六一公隴岡卜吉大文獨寫表阡哀

文以載道詩以寓情情道所寄而文字生焉所以流萬世傳萬口斐焉粲焉而  
不晦者也曾文正公處危亂三世馳騁北海寓今崩之念往來于戈兵戎馬  
之中百務紛乘苟有寸暇必持一卷吟誦諷讀未嘗一日輟公之於學可謂篤  
而勤矣上規秦漢下效韓歐與莊騷太史子雲相如之文神合而貌絕公之於  
文章可謂純而精矣文之以載道訪足曰寓情然而不睥睨六合者曰四顧  
為之徘徊滿志者非文與詩也蓋其所以為聯語也公為聯語情而合於道文  
而融以韻雖寥寥數十字而性情器局感慨淋漓之致與夫褒崇貶詆之辭  
意視為詩古文辭之流弄不盡備乎哉美矣如一聯脫手四意爭傳海內  
吟誦至數十年弗衰相城吳至父先生師事曾公光大其學尤以聯語為  
極肖吾鄉樊蔭菴先生又游於吳公之門其克紹公之業者亦以聯語為  
獨擅初崇元既嚮慕曾公之學惜集中獨闕此體私以為憾尋訪歷時而



不獲也戊寅將於蔭菴先生之門乃進詢之先生於是開秘積啟錦函出而示之曰此吾鄉陳君同山之所梓也曾公平生撰聯窮多而其所以為書者盡在蘇州所刻原本顧法傳者稀陳君得而寶之因又為翻刻以行款式一仍其舊而加增減以失其意此本世所未多見然精華與萃於是可以勿他求矣又出其生平所輯並其自作各一冊以輯惟吳公撰者為多以其淵源同也既歸一披讀見玲琅玕明珠翠珎光華溢目美不勝收詩古文辭之而以博文愈勝也耀千古者聯語雖小道亦可以槩見其一斑矣崇元既償宿願又獲新知歡忻之餘乃亟鈔錄一通藉資師法 家君以為世世好此道者不題私本難得不宜自秘乃議即以崇元所錄付之石印庶免手民鋸刻之訛士君子析奇賞異者相與觀乎浩蕩之涂俾勿責其字跡之穉劣也印將訖畧述始末敬跋於後



中華民國二十二年一月初版

曾文正公聯語選錄

輯印者 清苑郭立志  
參校者 河間郭鳳庵  
北京琉璃廠  
印刷者 豹文齋

歡

學源堂全集

郭文清公墨跡

迎

陸經訓要錄

教子圖說

翻

叢書 郭母治家要言

會文正公聯語選錄

印

書 嘉言要錄

桐城吳先生年譜

定本尚書大義

雍睦堂法書

訂正胡大川幻想詩



